

2011-miit 2040-mut innuttaasut amerlassusissaannik naatsorsuineq

Ukiuni tulliuuttuni 20-ni innuttaasut amerlassusaat allanngorassanngilaq – taamaallaat utoqqaat amerlanerussapput

Innuttaasut ataatsimut amerlassusaat ukiuni 20-ni tulliuuttuni ilimagisamit aallanngorarani inuit 56.000-t pallissimaannassavaat. Naatsorsuutitut, ilimaginngisamik kinguaassiorneq, toqusarnerit nunasinerit nunanut allanut nuuttarnerit allannguuteqassanngippata. Innuttaasut agguaqatigiissillugu utoqqaassusaat manna ilutigalugu ukiunut 36,5-nut qaffassaaq (ullumikkumit 34-iupput). Kalaallit Nunaanni innuttaasut Danmarkimi innuttaasunut naleqqiullugit suli inuusunnerussapput, ullumikkut Danmarkimi agguaqatigiissillugu utoqqaassuseq 40-it missaaniimmat.

Takussutissiaq 1. 1981-miit – 2040-mut innuttaasut utoqqaassusaannut agguaneq, ukiunut toqqakkanut

	1981	1991	2001	2011	2021	2031	2040
	100 procent						
0-6	11,7	13,8	12,0	10,2	10,7	10,2	9,9
7-16	22,4	14,9	17,9	15,1	14,2	14,5	13,9
17-24	18,0	14,0	10,2	13,0	10,9	10,6	10,6
25-65	44,4	53,6	54,7	54,7	55,4	52,6	52,1
65+	3,6	3,8	5,1	7,0	8,7	12,2	13,5

Malugiuk. Kisitsisaasivimmi kisitsisit takukkit (<http://bank.stat.gl/benp2011>)

Piffissami naatsorsuiffimmi innuttaasut qanoq amerlatiginissaannik naatsorsuinerimi utoqqaliarsaartut (65+) marloriaatinngorsimassapput 2040-milu atuartut amerlaqatigilersimassallugit. Inuiaqatigiinni sulisinnaasut amerlassusaat suli inuiaqatigiit amerlassusaasa affarissavaat.

Innuttaasut qanoq amerlatiginissaannik naatsorsuinikkut angusat pingaarnerit taamaapput, Kalaallit Nunaanni Naatsorsueqqissaartarfiup 2040-ip tungaanut nunatsinni innuttaasut pillugit suliarisai, 1. januar 2011-mi innuttaasunut naatsorsuutit naammassiat tunngavigalugit.

Suiaassusermut, ukiumik ataatsimik utoqqaassusilinnut inunngorfiinullu naatsorsuutit peqqissaartut inernerit Kisitsisaasivitsinni <http://bank.stat.gl/benp2011> nassaarineqarsinnaapput.

Innuttasut qanoq amerlatiginissaannik naatsorsuinissaq tulleg saqqummiinissarlu 16. maj 2012 pilersaarutaavoq, 2012-mi innuttaasunut naatsorsuutit naammassiat tunngavigalugit.



